

Txoj Hau Kev Yuav Tso Npe Tau Rau Hauv Medicaid Cov Khoos Kas Kev Saib Xyuas Kho Mob Ncua Sij Hawm Ntev Family Care, IRIS



(How to Enroll in Medicaid Long-Term Care Programs Family Care, IRIS)

Muaj ntau cov khoos kas uas yuav pab tau nrog **kev saib xyuas kho mob ncua sij hawm ntev** rau cov neeg uas nyob rau hauv Wisconsin. **Medicaid** pab nyiaj rau qee cov ntawm cov khoos kas kev saib xyuas kho mob ncua sij hawm ntev no (**uas kuj hu hais tias yog cov khoos kas Medicaid waiver (Medicaid kev zam cai)**), uas yuav muaj:

- **Family Care**—qhov no yog lub khoos kas rau cov neeg laus uas muaj hnuv nyoog thiab cov neeg laus xiam oob qhab. Cov tswv cuab yuav tau txais ntau yam kev pab cuam kev saib xyuas kho mob ncua sij hawm ntev los ntawm ib lub khoos kas muab txiaj ntsig kev pab. Cov tswv ntawm Family Care yuav siv tau lawv li Medicaid daim npav txuas ntxiv mus rau cov kev pab cuam txog kev noj qab haus huv thiab kev kho mob thiab cov tshuaj raws kev sau ntawv yuav.
- **IRIS (Include (Suav Sawv Daws), Respect (Sib Hwm), I Self-Direct (Kuv Taw Qhia Tus Kheej))**—qhov no yog lub khoos kas kev taw qhia tus kheej rau cov neeg laus uas muaj hnuv nyoog thiab cov neeg laus xiam oob qhab. Cov neeg koom nrog txiaj txim siab seb cov khoom lag luam, cov kev pab txhawb nqa, thiab cov kev pab cuam hauv zej zog thiab hauv tsev twg yuav pab ua kom tau raws li lawv cov kev xav tau thiab cov hom phiaj. Tom qab tso npe tag, cov neeg tuaj koom nrog yuav tau txais pob peev nyiaj los siv them rau cov khoom lag luam, cov kev pab txhawb nqa, thiab cov kev pab cuam ntawd.

Cim Tseg: Koj tsuas yuav tso npe tau rau hauv Medicaid ib lub khoos kas kev saib xyuas kho mob ncua sij hawm ntev ib zaug ib lub khoos kas nkaus xwb. Tag nrho cov khoos kas yuav yog qhov yus yeem yus xwb. Kev yus yeem yus txhais tau tias nws yog koj li kev xaiv yuav mus tso npe xwb. Koj yuav xaiv tawm tau ntawm lub khoos kas txhua lub sij hawm.

Cov lus siv uas yuav tsum tau paub

Kev saib xyuas kho mob ncua sij hawm ntev

Nov yog qhov kev pab cuam los sis kev txhawb nqa uas tej zaum koj xav tau vim tias muaj ib los sis ntau qhov ntawm cov nqe hauv qab no:

- Koj muaj hnuv nyoog 18-59 xyoos thiab xiam oob qhab.
- Koj muaj hnuv nyoog 65 xyoos los sis siab dua.
- Koj muaj tus zwj ceeb mob uas zoo tsis tu qab los sis mob ntev lawm.
- Koj xav tau kev pab los ua cov hauj lwm ua txhua hnuv, xws li kev hnav khaub ncaws los sis kev da dej.

Medicaid

Qhov no yog lub khoos kas kev pab cuam ntawm lub xeev thiab tsoom fww teb chaws. Lub khoos kas muab tau kev pab them nqi duav roos kev saib xyuas kev noj qab haus huv rau cov neeg uas muaj nyiaj khwv tau los thiab cov chaw muab kev pab cuam tsawg.

Cov khoos kas Medicaid waiver (Medicaid kev zam cai) (kuj yuav hu tias yog cov khoos kas kev saib xyuas kho mob ncua sij hawm ntev uas tau nyiaj pab rau pej xeem)

Cov no yog cov khoos kas uas tso rau cov xeev siv Medicaid cov nyiaj pab txhawm rau los muab cov kev pab cuam kev saib xyuas kho mob ncua sij hawm ntev nyob hauv cov neeg lub tsev thiab cov zej zog.



Cov kauj ruam yuav mus tso npe tau

Kev tso npe rau hauv Medicaid lub khoos kas kev saib xyuas kho mob ncuu sij hawm ntev yuav siv sij hawm ntev li ib txog peb lub hlis, hauv cov xwm txheej feem ntau.

Cov kev lis suav muaj cov kauj ruam no:

1. Tiv tauj koj lub ADRC los sis Tribal ADRS.

Koj lub ADRC (aging and disability resource center (lub chaw muab peev txheej kev pab rau neeg laus thiab neeg xiam oob qhab)) los sis Tribal ADRS (aging and disability resource specialist (tus kws kho mob tshwj xeeb muab peev txheej kev pab rau neeg laus thiab neeg xiam oob qhab)) yuav pab kom koj pib tau. Lawv yuav pab koj kawm paub txog cov kev xaiv uas muaj rau koj siv tau thiab cov cai yuav tso npe tau rau hauv ib qho ntawm cov khoos kas no. Lub ADRC thiab Tribal ADRS cov kev pab cuam pub dawb rau txhua leej uas nyob hauv Wisconsin.

- [Nrhiav koj lub ADRC hauv cheeb tsam hauv](https://dhs.wisconsin.gov/adrc/consumer/index.htm) (dhs.wisconsin.gov/adrc/consumer/index.htm).
- [Nrhiav koj lub Tribal ADRS hauv](https://dhs.wisconsin.gov/adrc/consumer/tribes.htm) (dhs.wisconsin.gov/adrc/consumer/tribes.htm).



2. Txiaiv txim siab txog kev muaj cai fab kev ua hauj lwm uas muaj kev ntsuas xyuas txog kev ua hauj lwm.

Koj lub ADRC los sis Tribal ADRS yuav tuaj ntsib koj los ua kom tiav kev ntsuas xyuas txog kev ua hauj lwm. Lub hom phiaj ntawm kev ntsuas xyuas yog los ntsuas koj theem kev xav tau hais txog cov kev pab cuam. Kev ntsuas xyuas kuj yuav txiaiv txim siab seb koj puas ua tau raws li cov cai ntawm lub khoos kas.

3. Txiaiv txim siab txog kev muaj cai tau txais kev pab fab nyiaj txiag.

Medicaid cov khoos kas kev saib xyuas kho mob ncuu sij hawm ntev muaj cov cai fab nyiaj txiag sib txawv. Nce raws li seb koj puas tau txais Medicaid cov txiaj ntsig tag nrho los tsis tau:

- **Yog tias koj tau txais Medicaid cov txiaj ntsig tag nrho**, koj yuav tsum tau ua kom tiav tus txheej txheem daim ntawv thov kev pab fab nyiaj txiag. Li cas los xij, koj yuav tsum tau teb qee cov lus nug. Cov nqe lus nug no xyuas kom paub tseeb hais tias koj muaj cai tau txais kev pab fab nyiaj txiag rau Medicaid cov khoos kas kev saib xyuas kho mob ncuu sij hawm ntev.
- **Yog tias koj tsis tau txais Medicaid cov txiaj ntsig tag nrho**, koj lub ADRC los sis Tribal ADRS yuav pab tau koj ua kom tiav daim ntawv thov kev pab fab nyiaj txiag. Lawv yuav pab koj tiv tauj rau income maintenance agency (lub chaw hauj lwm tswj xyuas nyiaj khwv tau los). Income maintenance agency (Lub chaw hauj lwm tswj xyuas nyiaj khwv tau los) yuav lis koj daim ntawv thov kev pab fab nyiaj txiag kom pom seb koj puas muaj cai tau txais kev pab. Raws li koj qhov nyiaj khwv tau los thiab cov nuj nqis, income maintenance agency (lub chaw hauj lwm tswj xyuas nyiaj khwv tau los) kuj yuav txiaiv txim siab seb koj puas yuav tsum tau them tus nqi tus neeg mob yuav tau them kom thiab tso tau npe rau hauv Medicaid lub khoos kas kev saib xyuas kho mob ncuu sij hawm ntev. Tus nqi tus neeg mob yuav tau them yog qhov nqi them txhua hli uas qee cov tsev cuab yuav tsum tau them rau lawv li Medicaid lub khoos kas kev saib xyuas kho mob ncuu sij hawm ntev.

(Txuas ntxiv hauv phab 3)



